

旁門無功章第二十三 章名從舊

世人好小術不審道淺深棄正從邪徑欲速闕不通猶盲不任杖聾者聽官商沒水捕雉兔登山索魚龍植麥欲獲黍運規以求方竭力勞精神終年不見功欲知伏食法至約而不繁

此章決言旁門之無功也學道者先要知道之與術天淵迥別性命全修復歸無極謂之大道一機一訣自救不了謂之小術金丹大道難遇易成一切旁門小術易遇難成奈何世間愚民胸中茅塞既不辨淺深眼孔模糊又不識邪正往往背明投暗棄正從邪本求欲速見功反致闕絕不通永斷入道之路豈不哀哉不知先天性命超出形器之表卻妄認後

道藏輯要

參同契
闡幽

美

虛集二
X上上

天精烝身中摸索茫無影響隨人顛倒毫無決擇此猶盲者之無拄杖聾者之聽官商也不悟先天陰陽自家同類之物卻猜做世間男女向外採取流於淫邪傷生敗德莫此爲甚此猶入水而捕雉兔登山而索魚龍也不思先天鉛汞本來無質無形卻去燒茅弄火乾汞點銅誑惑凡愚敗身亡家此猶種麥而轉思獲稻運規而妄意求方也此等旁門費盡一生精力窮年卒歲到老無成卻謗祖師妄語不知金丹伏食之法至簡至要有作以原其始無爲以要其終與天地造化同一功用雖愚昧小人得之立躋聖位豈可與旁門小術同日而論哉以上舉旁門之非特識其大略耳究而論之禪家

有九十六種外道元教有三千六百旁門千差萬別不可殫述所以正陽祖師有正道歌翠虛真人有羅浮吟以至李清菴之九品說陳觀吾之判惑歌皆歷數旁門外道之差以覺悟世人聾聵惜乎世人不悟仍舊謬種傳流有增無減良可悲也以上僅標大略要當摘取諸真言句另爲指迷一書與同志共參之

道藏輯要

參同契
闡幽

卷

虛集二
川

正一天師清微弟子 共百卷 製作
道教學術資訊網站